

DISSERTATIO
INAUGURALIS MEDICA
DE
PRODUCTIS
A P U M, *Pha*

2.

17

QUAM
ANNUENTE INCLYTA
FACULTATE MEDICA

PRO
CONSEQUENDA DOCTORATUS
LAUREA

IN
ANTIQUISSIMA AC CELEBERRIMA
UNIVERSITATE
VINDOBONENSI

PUBLICÆ DISQUISITIONI
SUBMITTIT

FRANCISCUS SEBASTIANUS


FEYRTAG DE FESTIS


MERANENSIS TYROLENSIS
PHILOSOPHIÆ MAGISTER.

Viennæ,

Typis Friderici Christiani Wappler.


I 7 8 4.





De Cera.

Duo sunt, de quibus in præsentî dissertatione agendum duxi, de Melle, & Cera, utpote productis apum præstantissimis, quæ quemadmodum ab apibus magno cum labore, & sedulitate colliguntur, & stupendo certe spectaculo elaborantur, ita etiam gratissima, & maxime nobis expetita sunt, qui ingrati erga hanc indefessam Rempublicam fructum laborum suorum sæpe prodige diffundimus, & luxu in dies cariores reddimus. Ea propter adlaborandum est, ut majori



copia mel & cera in nostris regionibus producantur, ni ea nobis ab exteris majori pretio comparare velimus; prius cur obtinere non posset, haud video, primo enim requisito, seu gradu, ut cum Cl. Reaumur dicam, ad ceram ædificandam pascuis videlicet, non destituimur, at operarii desiderantur, qui hanc conficere valeant, hinc medium exquirendum, quo agricolæ ad apes numero, sedulitateque majori collendas allicerentur, quod optimum, si præmiis, quibus nil hominem ad virtutem, & labores excitandum aptius, agricolæ animarentur; plura hac de re in medium proferre possem, quæ cum non sint hujus loci, iis supersedebo, & ad institutum revertar.

§. II.

Primo loco igitur mihi de Cera sermo erit, tum de Melle. Cera est substantia dura, ad calorem ductilis, majori calore liquefscens, inflammabilis, in frigore duriem friabilem acquirens, aqua levior, spiritu vini gravior, resinosa, pinguis, odoris & saporis expers; Germ. *Wachs*, Gallic *la Cire*, Bohemis *Wosť*, Græcis *Κηρος*, Anglis *Wax*.

§. III.




§. III.

Hæc est absoluta Cerae descriptio, Apia-
rii vero sub nomine cerae favos intelligunt,
in quæis foetus hæret, Columella Clerum
appellat, & an inde noster Clerus originem
ducat, quærit Overbek.

§. IV.

Favi ergo sub nomine venit Cera,
quam apes miro certe modo in tenuissimas
lamellas formant, has artificiose sibi agglu-
tinando cellulas formant, ex quæis juxta
seriem sibi locatis favos multicavatos fi-
gunt; qui proinde a nonnullis crates favo-
rum appellari solent, Genesis hujus voca-
buli est a fovendo, cum in has cellulas ova
apium tam operariorum, quam fucorum, &
nonnulla fœminina deponantur, ab opera-
riis foveantur, calore sic orto excludun-
tur, & postea adolefcunt.




S. V.

Hæ cavitates, seu cellulae perfectissimæ hexagonam figuram referunt, & harum tres diversæ species notantur: Prima species est Uber seu fistula regia, Est cellula paulo major, nec hexagona, sed glandis figuram referens, in hac regii generis proles, seu nova Mater animatur. Plerumque unica tantum est, interdum vero etiam plures inveniuntur, & in fine seu margine favorum operariorum exstructa dependet; *Germanis*, Waiselhaus, *Nostratibus* Waiselwiege, *Gallis* La cellule du Roi, de la Reine, *Græcis* Κηριος τῆ βασιλῆος, *Anglis* Metherly House.

Secundam speciem ædicularum cerearum constituunt fucorum fistulae, seu crates, sunt cellulae hexagonae paulo latiores, & profundiores, quam operariorum, in quibus fuci generantur: *Germ.* Drohnen Cellen, *Gallis* Cellules des Bourdous, *Græcis* των σχαδουων — κυτταρια, *Anglis* Men-bees Houses —

Tertia species sunt foramina seu fistulae plebeji seminis, in quibus nempe operariae
ex-



excluduntur, hæ cellularis fucorum sunt analogæ minores his, sed copiosiores: *Germ.* Bienen Cellen, *Bienen Wachs*, *Gallis* Cellules des abeilles ordinaires, *Græcis* Κυρος κυτταριον, *Anglis* Houses of Bees ordinaries.

§. VI.

Numerus cellularum seu fistularum omnium variat pro magnitudine actus, seu favorum, & pro ratione capacitatis alvearis. Magnus Swammerdam in uno alveari 22573. cellulas numeravit, nempe 7824 proliferas, 14750 melliferas. In centenis aliquot harum domuncularum juxta Cl. Reaumur mares fuci enutriuntur, & adolescunt, quorum 800 reperiit; in paucis quibusdam sæmellæ seu reginæ generantur, queis peculiaris locus, seu uber, utpote capacior, quemadmodum jam dictum est, extruitur, talia ubera octo decem in uno alveari interdum prostant, plerumque autem unicum tantum, aut duo, exclusa itaque Regina certus numerus apium examen, seu coloniam ducit, aptum locum sibi eligit, & novam Rempubl. constituit, quam si appiarius excipiat, & in alveare recondat, novum alveare habet; in reliquis cellularis apes vul-



gares educantur, quarum 30 — 40,000 sæpius in uno alveari Reaumur numeravit,

§. VII.

Marium æque, ac fæmellarum cellulæ vacuæ sæpe reperiuntur, at apium vulgarium ædiculæ pro maxima parte repletæ, operculisque ex cera confectis obsignatæ sunt, in quibusdam ejusmodi fistulis obsignatis Nymphæ delitescunt, seu apium vermiculi, ex quibus apes plerumque intra 14. dies adultæ evolant; in aliis mel asservatur.

§. VIII.

Reliquæ cellulæ apium vulgarium apertæ patent, & harum nonnullæ ovula continent, aliæ vermiculos recenter ovis exclusos, qui ad latera undique requisito alimento ex pane confecto circumdati sunt, vermiculos albos adultiores gerunt aliæ, aliæ vermes incrementi plenitudinem adeptos, qui ab apium cultoribus proles, progenies, seu juvenus nominantur.


§. IX.

§. IX.

Inter cellulas obfignatas hærent quædam aliæ cellulæ, materiam quamdam continentes, quæ quasi per ftrata coacervatur, & varios colores exhibet, fiquè deguftetur, dulcedinis fenfum prodit: hæc materies *Panis* feu *cibus* apum audit, & eft pollen antherarum cum melle mixtum, ab aliis etiam *Sandaraca* vocatur, & nutrimentum prolium efle ftatuitur: hoc etiam apes alvi fluxu laborantes fibi mederi dicuntur. Swammerdam, Reaumur, & alii Sandaracam hanc rudimentum ceræ cenfent: aft hodie certum magis eft, ceram aliam habere originem. Sandaraca feu panis *Germ.* vocatur *Immenbrod*, *Blumenftaub*, *Gallis* Le Sandarac, *Græcis* Πολλαν, *Anglis* Dust of flower.

§. X.

De origine ceræ in varias opiniones abiire egregii hac in arte viri. Alii enim hanc ex gemmis arborum, alii ex parte quadam floris nobis ignota, qua talem colligi; ex Polline antherarum præparari alii




afferuerunt, quin ipsum magnum Swammerdam, & Reaumur origo ceræ latuit, qui Moraldi sententiam tuebantur, & ceram ex pane antea nominato, seu sandaraca confici scripsere.

§. XI.

Hodie vero a Melitophilo Theorebastro * certiora edocti sumus, ita, ut infallibili experimento concludere possimus, ceram ex melle ab apibus assumpto præparari, eamque intra annulos seu segmenta exsudare, quod Dominus Professor Münzberg publice ad oculum sæpius demonstravit, & lemmas, seu lamellulam talem acicula extraxit; hi annuli, qui in modum squamarum, seu segmentorum sibi incumbunt, sunt ergo organa, in quibus ceram exsudatam in tenuissimas lamellas conformant; quas summa velocitate pedibus extrahere, apteque cel-
lu.

* Nomen fictum est, is enim Herm. Christ. Hornbostel vocabatur, & primarius Concionator germanus Hamburgi erat.



læ exstruendæ agglutinare norunt; sic si in alveare vacuum apes expellantur, & occluduntur, soloque melle liquato pascantur, ceram, seu favos exstruunt; unde patet, ceram ab apibus ex melle præparari assumpto, cum hoc in experimento polline careant, nec iis exitus detur, simile experimentum Excell. Comes de Shmettau * instituit.

§. XII.

Hæc proprie cera est, quæ nativa audit, seu virginea, ex qua cellulas hexagonas septo intermedio decurrenti ex utraque parte oblique ita agglutinant, ut lumen altius sit fundo, quod hanc utilitatem habet, ne mel, aut panis contentus elabi possit.

§. XIII.

Favi parallele decurrunt, & intergeninas tantæ latitudinis formant, ut duæ apes

* 5te Summarische Hauptanzeige der Bienengesellschaft in Oberlausig. 1770. 6. C.



apes sibi occurrentes semita cedere possint, hi superiori tabulæ agglutinati sunt, inferiorius autem libere pendent.

§. XIV.

Color naturalis ceræ est albus, qui a continuo prolis fotu sensim fuscior redditur; hoc vero præverti posse asserit Exper. Schirach * si liberior aeri accessus concedatur; flavus color dependet a melle ei adhærente, a quo liberari potest, si fundatur, aquæ calidæ affundatur, & quieti reponatur, ut iterum solidescat, tum oriuntur hac ratione tenuissimæ lamellulæ, quæ si aeri, & soli sæpius exponantur; albescunt, quod Germanis vocatur: *Wachsbleichen*.

§. XV.

Principia ceræ sunt oleum, terra, acidum, aqua, sic sedecim uncia supeditata vere destillatione uncias tres cum dimidia olei, duodecim cum dimidia aquæ acidulæ. **

§. XVI.

* Bayrischer Bienen Meister 1te Betrachtung S. 9.

** Lemery Chemie.

§. XVI.

Præter nunc recensitam speciem ceræ alia adhuc in alveari reperitur, quæ longe vilior est, nec alii usui inservit, quam fis, furis, & commissuris alvearis claudendis (harum enim apes impatientes sunt:) & vocatur Mitis, Commosis, Erythacen, Pifoceros; Plinius hæc quatuor distinguit, & pro basi operæ statuit, videtur tamen unica materies esse, quæ cera non est, sed hac crassior, illi tamen analoga, grysea, glutinosa ex summi tatibus pini sylvestris, & aliarum specierum collecta quam apes in globulos formatam cruribus agglutinant, domum referunt, & in dictos usus impendunt. Nec Propolis, *Borstzß*, distinguimeretur, qua apes aditum imminente hyeme pro parte occludunt. Unde Virgilius, *

- - - pars intra septa domorum


Marcissi lacrymam, & lentum de cortyce gluten

Prima favis ponunt fundamina, deinde tenaces

Suspendunt ceras.

§. XVII.

* Lib. Georg.



§. XVII.

Notandum est, quod non omnis cera ab apibus elaboretur, sic in Lusatia, Florida, Carolina, & in Americæ Septentrionalis Provinciis ex fructu cujusdam arboris excoquitur, pari ratione in China ex vermibus niveo candore præstantissima obtinetur, hoc tamen non obstante cera apium productum est, nunquam enim ex similibus genuina excoqui potest, sic adhuc alia datur species ceræ viridis, quæ vero non sunt hujus loci.

§. XVIII.

Commemoratione adhuc digna est cera nigra, quam a peculiari apum genere in insulis Caribæis colligi, & in cavitates arborum deponi vidit Illusti. Professor de Jacquin, hæc de albationem respuit, & tantum claudendis lægenis, in quibus spiritus asservantur, dicatur, ne autem spiritum odore suo inquinet, collum vitri subere exactissime clausum cera liquefacta superaffusa obducitur.

§. XIX.

§. XIX.


Usum ceræ, nemo est, qui ignoret, nam præter usum œconomicum ad candelas conficiendas etiam usum habet medicum, vi enim emolliente, uti aliæ pingues substantiæ, gaudet, & unguenta Emplastra, Balsama, Cerata ingreditur, dein etiam prostat Butyrum ceræ, asperis hæmorrhoidum doloribus, partibusque Excoriatione dolentibus illinitum bonum, oleum, quod repetita destillatione limpidum factum in curandis fissuris incomparabile medicamentum esse scribit Cl. Crantz,

§. XX.

Mel.

Alterum apium productum Mel est, Est substantia liquefscens, crassiuscula, ex albo flavesccns, saporis dulcissimi, nata in nectare, ab apibus collecta *Germ.* Honig *Gallis* Miel, *Græcis* μέλι, *Anglis* Honey. *Boëmis* Med,

§. XXI.




§. XXI.

Eductum hoc a Curatore maxime desideralum apes proboscide sua ex variorum florum nectariis exsugunt, in capsula seu vesicula infra proboscidem sita colligunt, & eadem via domi in cellulas de ponunt; an Mel, qua tale ex Plantis ex suctum manet? an in vesicula hac mutationem subit, & initium fermentationis patitur? Locus calidus, humidus est, nec repugnat, quia aëri accessus pateat: Swamerdam dicit, in hac capsula mel attenuari, & cum succo, qui ex copiosis totum hunc tractum circumdantibus glandulis exsudat, commisceri, infra hanc vesiculam alia huic similis locatur, in quam pariter via ex proboscide patet, & ventriculus audit, hac via Mel deglutitur, & in ventriculo in proprium nutrimentum concoquitur.

§. XXII.

Plantæ, ex quibus apes Mel sugunt, innumeræ sunt, sed notandum, quod non omnibus utantur sine discrimine, nam plantas, quæ majori mellis copia turgent, præferunt sapienti certe consilio, cur majori
la-



labore, & temporis dispendio colligerent, quod minori præstare possunt? Dantur vero plantæ, quæ sat copiosum Mel continent, cum autem tubus calicis nimis longus, & angustus, hinc iis accessus denegatur, uti in trifolio,


§. XXIII.

Præter Mel alia species cibi reperitur, de quo supra mentionem feci, panis videlicet, qui nil aliud quam pollen antherarum est, quo apes gerulæ crura sua onerant, * & reduces in cellulas deponunt. Panis autem proprie vocatur Pollen cum melle & aqua mistum, qui alendæ proli dicatur.

§. XXIV.

Jam vero quidam minus peritus, si in alveare intropiciat, dubitare posset, ubi-
nam


* Hinc *Germanis* *Hosen* audiunt.



nam Mel & ubi Panis in favis reperiendus sit? qua ratione a foetu occluso distinguendus? Et an indiscriminatim absque ordine hæc alternatim locantur? certum ordinem in hoc negotio apes servant, ita, ut in medio favorum, ubi copiosissime apes colliguntur, foetus hæreat, superiori loco, ac postico Mel, panis vero plerumque inter foetum & Mel reperitur, qui his duobus quasi limites ponit. Hæc probe discriminanda sunt, secus metens favorum crates mel una cum foetu excindet, & omnia pessumdabit, mel nocuum, & ingratum reddet. Hæc, quemadmodum scitu quam maxime necessaria apiariis sunt, ita etiam facillime dijudicantur; opercula enim foetus magis convexa, mellis autem magis concava sunt. Si apiarius ad ea non advertat, præcipue si in autumnò castrationem alvearium instituat, facile omne Mel excindere poterit, & cellulas sigillatas, in quibus foetus hæret, melle plenas putabit, sicque cibo alveare suum poliiabit, & apes hyeme fame peribunt,

§. XXV.


Ufus mellis tam in Oeconomyis, quam Medicis maximus est: grata enim sua dulcedine omnibus placet, licet parva exceptio



tio interdum admittenda sit, sic Mel sardoum amarum in sardinia ex absynthio colligi refert Diodorus. Heraclæe in Ponto quibusdam anni temporibus mel colligi, quod mentem alienat, & sudore perimit, refert Plinius. Hæc pro varietate Plantarum varia esse jam supra dixi. Mel etiam distingui solet ratione temporis, & examinis, unde Mel vernum, æstivum, seu horræum, virgineum appellari solet. Hæc ultima species optima censetur. Mel a Medicis vario scopo exhibetur, & gaudet vi saponacea, balsamica, maturante, detergente, expectorante, antidota. Solvitur in aqua, & spiritu vini, si diutius stagnet, fermentationem subit spontaneam, præcipue vero, si loco calido detineatur. Color ejus est varius, potissimum vero aut albicat, aut flavescit,

§. XXVI.

Mel jam ab antiquis in usum alimentarem, & medicum vocatum fuit; ad longævitatē ducere Pollio, & Democritus statuebant, cum sacchari usus iis nondum notus erat, hinc suos Syrupos, μελιτωμα, a nobis barbare conservam, μελιτεσμος, linctum,



Eelegma, *μελιχρατες* &c. cum melle præparabant, nec hodiernæ officinæ præparatis Mellis destituuntur, sic prostat oxymel simplex, squilliticum, Colchicum, Mel despumatum, Rosaceum.

§. XXVII.

Oxymel simplex paratur, si aceti pars una, mellis partes duæ in justam consistentiam coquantur; si Mel cum succo herbæ alicujus, aut cum ejus infuso, aut decocto ad justam Mellis consistentiam coquatur, nomen ab ipsa herba ducit, uti Mel rosaceum.

§. XXVIII.

Restat adhuc dicendum, quomodo Mel, & Cera in favis adhuc hærentes separentur: hoc vi præli, aut si parva favorum quantitas habeatur, vulgari manuum pressione fit; quod ut eo facilius succedat, favi antea in cubili calefacto locantur, ut emolliantur, & Mel facilius reddant. Cera post expressionem residua aqua elutriatur, ex aqua conficitur hydromel sequenti ratione: huic
aquæ




aquæ additur sufficiens quantitas Mellis $\frac{1}{2}$ pars, & coquitur tam diu, donec spumescere desinat, tum ab igne removetur, reponitur quieti, & immittitur sacculus aromatibus, nempe cinnamomo, caryophyllis — repletus; & fermentationi committitur, qua perfecta habetur potus optimus, vinosus, inebrians, scæminis vilioris conditionis potissimum adamatus, *Meth* dictus; hic liquor etiam parari potest, si aquæ simplici, aut vino Mel addatur, & dicta methodo procedatur. Cum autem cera post elutriationem nondum pura ab omni Melle sit, hinc iterum cum aqua coquitur, & a in vase coarctato loco frigido detinetur, tum quisquiliæ fundum petunt, & cera inde purior evadit.

Ex aqua præcedenti elutriatione Melle imbuta etiam optimum acetum Mellis conficitur, si ei sub coctione paululum aceti vinosi addatur, & in locum tepidum reponatur, ut fermentatio acida peragi possit.

§. XXIX.

Mel & Ceram præmium suorum laborum Curator loco frigido per duos, etiam tres annos conservare potest; donec opportuna occasio se obtulerit, hæc cum lucro dividendi.



§. XXX.

Solent quidam suos subditos adigere, ut mel sibi unice, nec aliis divendant, unde fit, ut Curatores metu adacti Merecedem hanc Superioribus quocunque pretio consignent, nec ipsi met commercium utilius inire ausint: abominabilis hæc injuria vindicanda videtur.




POSITIONES.

I.

In Pleuritide inflammatoria optimum expectorans est larga
V. S.

II.

Qui sine discrimine Pleuritidem
V. S. aggreditur, ægris male




consultit; ludit enim sæpe sub
larva alterius febris, quam
inflammatoriæ.

III.

Sola expectorantia adhibita sine
V. S. plerumque causa sunt
Empyematis & Phytiseos pul-
monalis.

IV.

Una larga V. S. in Pleuritide
mox ab initio celebrata plus
juvat, quam tres minores
per intervalla adhibitæ.



V.


Crusta inflammatoria in sanguine pleuriticorum anceps signum est repetendæ V. S.

VI.

Sanguis vena missus si perpendiculariter per cutim dimanet, sæpe crusta destituitur, in summa licet inflammatione, cur? ignoratur.

VII.

Pleuritis confirmata in adultis raro minori, quam XXXX.



cireiter unciarum sanguinis
missione sanatur.

VIII.


Diarrhœeam Pleuritidi superve-
nientem optime sanat V. S.

IX.

Seu Vena in brachio, seu in pe-
de, extra lectum, aut in le-
cto, cubanti fecetur, idem
est.

X.

Dolores vagi sæpe majori jure
morbis nondum formatis ad-
scri-




scribuntur , quam Rheumatismo , & Arthritidi latenti, aut suppresso perspirabili.

XI.

Affectiones Hystericæ , & Hypochondriacæ non ab inordinato motu liquidi nervei, sed potius a materie quadam nondum determinata Nervos petente repetendæ.

XII.

Hinc Medicamenta Nervos sopientia omnem spem eludunt,



dunt, & tantum palliativa sunt, unde hæc ignota materies nervos obsidens immediate est aggredienda.


XIII.

Cardiaca parturienti data, vix unquam necessaria, quin potius sæpe nociva reperiuntur.

XIV.

In Phrenitide licet exhibere vomitorium sub certis quibusdam conditionibus.

XV.



XV.

Opium in inflammatione veratute propinari potest a perito.

XVI.

Dyſſenteria, & Rheumatismus idem morbus eſt, & eandem medelam admittit.



